

محراب

ادبیاتی ، اجتماعی ، فلسفی ، تاریخی ، ادبی مجموعه

شیمدیک آید بر نشر اولنور

مضامین

- تربیه مصاحبه‌ری . کلیدهای آینه‌ها بوسف ضیا ۴۸۵
- « یونس اسره » و « عاشق یونسک غیرمطبوع اشعاری » جمیل رافت ۴۹۵
- تصوفک استناد ابتدایی یکی اساس حقیقه بر ایضاح رشید ۵۰۰
- بوگونکی تورکمنلر و تورکمن یوردی نورکستانی رافت ۵۱۱
- آمونوقال ایدی نه « آفریقا سرگذشتلرندن » جامی ۵۱۷
- و آنادولوتاریخده دینی روحیات مشاهدملری « و بوراق بابا ، کیکی بابا » علمی ضیا ۵۲۷
- کتابخانه لوده اصلاحات مناسبتله همدان ۵۳۷
- تاریخ مدنیتده کتابخانه لره ۱ طاهر صبری ۵۵۰
- « شیخ سروردی » و « حادثه قلی » بوسف ضیا ۵۶۷

حیات و حقیقت : ملیحه نوری — بهار و شفا : سنجیه جمال اورده نوس — قطعه : سنیا
رفاعی — غروب و قی : صبریه صالح — اسکی شرق کیمجملری ، شرف کاظم — صوک بهار :
نزامت صبری — بنیم بایرام : نجات رشدی ۵۵۷

یکی آیه بر نظر : السیمات فاکولتسی ، آنادولی مجموعه سی ، آذربایجان استقلال .

شهرزاده باشی : اوقاف مطبعه سی

«آنادولو تاریخنده دینی روحيات مشاهدہ لری»

مقدمہ

جہیمسک برافادہ سنہ کورہ : «مکرضی حاکم» ، دھنی حیاتک بعضی عناصرینی ، ہر زمان کنڈیلرینی محیط اولان دیگر حادثہ لردن تجرید ایدرک ، بالذات مشاہدہ ایتھک کمزی تأمین ایدرلر . بدنک تشریحندہ میقرس قویک کوردیکی روظیفہ یی بونلر و حک تشریحندہ کورورلر : [۱] بومطالعہ ، صوک دور روحیاتجیلرینک مکرضی شعورہ نہ قادار اہمیت ویردکلرینی کوسترر . پیہرژانہ ، نہوروزلری تدقیق صورتیلہ حقیقی روحیاتہ واریلہ جکندن بحث ایتدی : حتی بلونڈل داہا ایلرہ کیدہرک (نہورپات) ی اجتماعییہ مقابل فردی و روحی حادثہ نک اساسی اولارق وضع ایدیوردی . دیگر جہتدن اجتماعیاتجیلر ، ابتدائی جمعیتلردہ کی سحر بازدن متکامل جمعیتلرک داہینسنہ قدر بوتون فردی و درونی قوتلرک ایضا احندن وازچکمکہ تمایل ایدیورلر .

دولاقروا ، روحیاتک حدودینی دینی حادثہ لرہ تشمیل ایدرک جہیمسک دینی تجربہ « . دہ کی اصولانی ، بعضی تعدیلاتلہ تطبیق ایتدی . سحرک ، بویونک تشکندہ فردی عامللرک تاثیرینی اعتراف صورتیلہ ہوبہرموس دورقام مکتبندن قسماً آریلیورلردی . جہیمس ، علی العادہ دینی حالاتک نہوروپاندہ الک پارلاق ، الک مکشف اولارق کوزو کدیکنی سویلیوردی . یوقاعت ، دینی روحیاتدہ مکرضی شعورک اہمیتی اولدینغی کوستریور .

اساساً ، بوتون سہ نہ سترزیک حالاتک ، انساندن بشقہ هیچ بر ذی روحدہ بولمایشی بو جہتی مؤید دکلر در ؟ عضوی وراثت ، حیواناندہ جملہ عصیہ خستہ لقلری دینان نوعی شیمدیہ قدر عرض ایتہ مشدر . ایشہ یکی بروحیاتک تأسیسی خصوصندہ ژانہ وپلونڈہ ، حتی فرویدہ جسارت ویرن ایشک بوجہہ سی در . جہیمس ایچون بیلہ ، عضویتدہ جملہ عصیہ انکشاف ایتدکن و مختلف مکرضی اشکال آلدقندن صوکرادر کہ فعالیت روحیہ پاشلامشدر .

انسانلہ حیوانی تفریق ایدن اک مهم وصفلردن بوی عصییت در . انسانہ « حیوان عصی » دیمک بونقطہ نظرندن یا کاش برشیٹی اولماسہ کرکدر . بوتون

حادثات روحیه حساً محرك Sensari - matrise بر صورتیه ظاهر اولور. بونلر ایسه یالکز
جهله عصبیه ده تگون ایدرلر. آنجاق برتهلکه قارشیسندن حرکت کلن وقیزان حیوانه
مقابل، انسانک اعصابی دائماً حال فعالیتده، یاخود برچوق مرضی شکلرده بولنه بیلیر.
حاصلی بلوندهله، حق ویردیردک درجه ده دینه بیلیرکه، روحی حادثاتک هان قسم اعظمی
درونی، مرضی تظاهرله ده کندیسنی کوسترر.

ایلك باقیشده جه یمسک بوتون روحیانه « شرط لازم » اسمیه بونی تمیل اتخاذا ایتسی
حقلی کی کورونویور. حق له تورنو، کیه نیغس کی اجتماعیچیلرک تغدی احتیاجلرندن
باشلایان عضوی اجتماعی بونک عیندر. بو طرز تلقی به تمایل ایدرله کوره نیچون حیوانلرک
جمعیت تأسیس ایتدیکی، یاخود نهدن انسانک خارجنده، متظاهر روحی حیاتده باشلامدینی
آنجق بو وجهله ایضاح ایدیه بیلیر.

زیرا، حالت عصبیه بی قالدیرالم جمعیت و روحی فعالیتده برابر غیب اولویور حالت
عصبیه بی اقامه ایدم یالنتیجه جمعیت و روحی فعالیت موجود و حاضر در. مادامکه،
عصبی وراثت روحی و اجتماعی حادثه نك تگوننده علت درجه سنده لازم بر شرطدر؛
او حالده روحی وراثتده بونکله آکلاشیلمش اولور.

حالبوکه عصبی حادثه ده کی مشابعت حقیقتدر. آنجاق ینه عصبی وراثتی مؤیددر.
روحی حادثه اونک نتیجه سی و اثری عد ایلهمیور سه ق مطلقاً یاسری بر شکله رشیمک
درونده روحی برقوانیت قبول ایتک، یاخود حادثه روحیه بی بالآخره متحدث تلقی ایتک
ضروری در. یوقسه اوندن متولد دکدر. بونک اُک بوبوک برهانی، جهله عصبیه نك بعض
فقری حیوانلرده انکشاف ایتش اولسی در. نهدن جهله عصبیه موجود اولدینی حالده،
جمعیت و روح حیاتی باشلامشدر؛ بوکا قارشی، یا حیوان روحیاتی و اجتماعیت سوق طبیعی سنی
اشهاد ایدرک جواب ویریلیر؛ یاخود جهله عصبیه نك حال روحی نك تگونی ایچون لازم
اولان معین بر تکامل درجه سنده هنوز وارماش اولدینی سویله به بیلیر. اولاً - حیوان
روحیاتی حقنده کی مطالعاتی خاطر لایمق ایجاب ایدر. ثانیاً - ادعا ایدیلن اجتماعیت سوق
طبیعی سنک، جهله عصبیه دن تمامیه محروم اولدینی ده اونو تاملی در. نهایت صوک سرد
ایدیلن دلیل، اُک فضله حقیقته یاقین بی کوزوکنی در. فی الحقیقه ذیروح و اجتماعی بر موجود
اولان انسانده جهله عصبیه بی، اُک زیاده انکشاف و تکمیل ایتش اولاراق کورویورز.
جهله عصبیه ایله اجتماعی و روحی حادثه نك آری آری برر شیئی اولدقلمی آکلا

دقدن صوکره ، شیمدی ده حیوان وانسان آره سنده کی حال عصبی تحوالتک نه دن ایلری کلدیکی تدقیق ایدهلم . علی الموم ، بو طرزده برتحرری ایچون مراجعت ایدیلن اصولی تعقیب ایدەرك ابتدائی انسان ومعشری تصورلره مشغول اولمق موافق اولور . هوبه - موسك آسترالیا قبائلنده یاپدقلى تدقیقلره لهوی برولى اساس اتخاذا ایدەرك اولورسەقى ، کورورزكه ابتدائی جمعیتده « سحر » وجدخالنك اعظمی انكشافه کلدیکی برساحه در . سحر باز ، آغزندن کوپوکارکلن ، کوزینک اوکندن خیالتلر کچن ، دماغی بر کرده باد ایچنده دونهن ایستەريك برآمددر . هوبه ره کوره سحری قدرت نادراً موروث در . چوق زمان ، « مناسك » ایله اشتغال ایدنلردن برینک قازاندینی براعتیاددر . [۱]

مستقبل سحر باز ، براورمانه چکیلیر . اوزون مدت اوراده منزوی برحیات کچیر . دائمی وجد آنلرینک تولید ایتدیکی عصبی اهتزازلر تماندی ایدر . ذاتاً ، کویونک دیدیکی کبی « منسك » عینی فعلی ، عینی شرائط داخلنده ، تولید ایتک احتیاجندن یعنی اعتیادک ، بناسی اولان احتیاجندن دوغمش ، دکلیدر ؟ بودینی اعتیاد ، بالخاصه خارجی طالمه تماس کسیدکدن صکره ده نافذ بر صورتده سحر بازک اوزرنده کندینی کوسترر . نهایت طبیعت وشخصیتی دریندن درینه تبدیل ایدر . سحر بازک یکی برحیاتی وارددر . اسکی حیاتی آرتق بتمش در . سحرک عنفاننه ادخال ایدیلیر . وبوغنعات اونک ایچون قیمتی اولور . حدت ، تأثر ، تخیل ، غیظ کبی عصبی حالتلر بو واسطه ایله انكشاف ایدەرك اجتماعی برر فورمول آلمغه باشلار .

« سحر » ك اجرا ایدلیدیکی محل ، اطرافنده کی مقدس اشیا وطبیعت ، قلانک مزارلنی هیئت مجموعه سیله بر (مدینه) تشکیل ایدر . سحر بازله برابر بوتون بواسیا وطبیعت بر (کل) وجوده کتیرر . فردیله شن قدرتك عائله نك نوه سنی آراملی در . خصوصیه طالمه تأسسندن صوکره « ماتوس » وبونک اخلافه انتقال ایدن (سحر) ی قدسی ایله لاقدسی بی درونی ایله خارجی بی تمامیه تفریق ایتدیکندن بو صورتله عائله اخلاقی ، عزت نفس ، غرور ، حیثیت ، کبر ، الخ . . . کبی خود بینی حسیلرینک تشکله میدان ویردی . بو صورتله طالمه مجادلەلری ، قان دعوالری و « انتقام شخصی » تمایللرینک معناسی آکلا- شیلش اولور . وجد اجتماعی ده سیال وتجمع آنلرینه مخصوص اولان جمعیتک قدرتی

فردیله‌شهن غروب‌لرده ، طائله‌ده تکررله اعتیاد حاله کله‌رله ، ایکنجی بر طبیعت میدانه کتیردی . بو طبیعتک روحی تظاهراتنه حدت و کین ، عضوی تظاهراتنه ده جمله عصیه‌نک بوزوق‌لق‌لری یا خود دها عمومی بر تعبیرله (نه‌وروز) اسمی ویریورز .

بونندن ده آکلاشیلورکه ، نه‌ورویاتی ، بالخاصه سحرده تشخیص ایدن اجتماعی اعتیادلرک عضویتده تولید ایتیش اولدیغی بر حال منضم در . بناءً علیه انساله حیوان آراسنده کی جمله عصیه فرقنک مولدی بالذات اجتماعی حادثه در . فقط دنیله‌جک که ، سحر باز ابتدائی انسانلر ایچریسندده اساساً جمله عصیه سی بوزوق اولان بر کیسه در . بو استعداد ، اونده دینک سری بر شکلده تکیونه سائق اولمشدر . جهیمسک « دینی تجربه » ده کی مثاللری تعصیماً بو خصوصده حلاجدن باشلیقارک جنید بغدادی به قدر ، بر چوق متصوفه فی صایق نمکندر .

صوکره آریجه ، نه‌دن دولای عینی عصی حالك فلانک دیگر فردلرنده تکیون ایتدیکی صورولابیلیر بوکا قارشی ، اول سحر بازک بلا تدریج (ارکان و مناسک) ک اجراسنه سوق ایدلیدیکی اعتیاد و اعتزالدن صوکره کندینه « کشف والهام » ک باشلادیغی سویله‌رز . اکر استعدادک وجودی حقیقه اصرار ایدیلیرسه او زمانده ، بوتون استوغرافلرک فرازه و تابلورله برابر موروث حال مرضی قبول ایتدکیرینی ذکر ایتک کفایت ایدر . ثانیاً عینی اعتیاد و اعتزالی [۱] بوتون قلان افرادنده تطبیق ایتک ممکن اولمادیغی ایچون بورادن محدود شخصلره انحصار ایتمه‌سک سینی آکلارز .

جهیمسک اعتراف ایتدیکی کی ، « غیرقابل اعتراض بر وقعه‌درکه ، دینی حیات بر آدمک بوتون فکری و فعالیتنی معص ایتدیکی زمان ، اونی ضریب ، اکسانتیریک بر حاله قویار . » بو حال ، اولجه مستحضر عضوی شرائطک نتیجه‌سی اولیوب ، بالعکس تکرار و اعتیادله عضوک اوررنده انطباع و تحول تولید ایدر . بوتحول مکتسب سجه‌لرک منفی و مرضی بر تظاهری در . بناءً علیه انتقال ایدرک ، عضویتک مقاومتنه رغماً بر قاج نسل قادار دوام ایده‌بیایر . و شاید بو حال ، بوتون تشکیلات اجتماعی‌نک تبدیلدن متولد ایسه

[۱] فلانک معبودله تماسی قومونیون آنلرینه انحصار ایدر . حال وجدک عینی صورتمه‌ادامه‌سی قابل دکلدر . بناءً علیه مقدس اشیا و معبوده طائد اولان شیلرله اعتزال طالنده قلان بر زامدک تأمین ایتسی لازم کلیر .

اوزمان انتقال «سریع تحول» حالندہ واقع اولارق ، بالعکس عضویتک تکاملی اوزرنندہ مؤثر اولور .

• *
* *

بو مطالعاتدن آکلاشیلیرکه دینی روحیات ، عینی زمانده تکونی روحیاتدر . بوشعور
 حقنده کی تلقیمز هر نه اولورسه اولسون ، اک بسیط شکلی کورمک مراقی هیمزده مشترک
 اولاجقدر . بوضورتله روحی تکامل ، بر آن واحدک ویره بیله جکی داخلی تجربه یه انحصار
 ایتمدن ، بتون مرحله لری تدقیق ایدیله بیله حکدر . داخلی تجربه ، روحک تکامل
 صفجه لری حقنده بزی تنویر ایتدیکی خالده ، تاریخی مشاهده تکیون وانکشاف
 صورتلری ، اونی وجوده کترین عناصرینی ایضاح ایتسی اعتباریه داها شامل و عمومی
 بر قیمق حائزدر .

بز بورادن ، عمومیتله دینی روحیاته بر نمونه اولمق اوزره ، آنادولو تاریخنجه تصادف ایدیلن باشلیجه متصوفلری ، روحی و عصبی امراضك تظاهرلری نقطه سندن تدقیق ایتمكه چالیشاجغز . آیرنجه لسانی ، ادبی واجتماعی تاریخلر ایچونده برر موضوع تشکیل ایدن بوشخصلری مطالعه ایدرکن ، اونلرك بالخاصه عصری حیاتلرینی ، عائله وانتسابلرینی نظر اعتباره آلمق لازم کایر . شخصیتلرك ترتیبنده هیچ بر جهت اساسی اتخاذ ایدلمدیکی کبی ، تدقیق خصوصندهده بر ترجیح کوزه تلمه مشدر . بالاخره بوتون اسلام متصوفلرینه عینی مشاهدینی تعمیم ایتك اوزره ، شیمدیك بونی یالکز آنادولو تاریخنجه تجربه

ایتھلہ اکتفا ایدہ جکر
 البرق ہے و برق السماء برقان باب قدر و برق قائما ایضا ظہر منها البرق و
 برق الرحل و برق اوعذ بالسر - ۱ - والبرق و رابۃ نحو ان یغیر
 تہ کہہ الی سر عند العرب ہے الی السماء بوران باب

و ايجرم
الانباري
مستجاب
آنادولوده طريقترك تأسس وانتشاري برطرفدن ادبيات و دين تاريخلرئز ايجون
بدقيق موضوعي تشكيل ايتديكي كي ديكر جهتن بالذات فكري حياتمك تكتوتني ايضاح
ايدن منبعلردن برني وجوده كتر .

كرك سلجوقيلر دورنده، كرك عثمانلى سلطنتنده آنادولودن يتيشهن باشليجه متصوفلرك معين برمسلك تعقيب ايدن عالم و حكيملرك ا كثريسى طريقتهلر واسطه سيله تعين ايتمه مشلر سه

بیله ، هیچ اولماز بر طریقه منتسب بولمیشلردی . بناءً علیه ، مملکتک فکری تاریخیله مشغول اولاجقلرکده ، بوجوق منتشر و سیال موضوعه اهمیت ویرمه‌لری ایجاب ایدر . ادبیات و دین تدقیقلرنده اولدینی کبی ، بوساحه‌ده‌ده تکیه‌نک منشأنی طریقتک ارکان و مناسکنی مطالعه ایدرکن ، قلاسیق تصوف کتابلرینک ، سلسله‌نامه‌لرک ویردکی معلوماتله اکتفا ایتمه‌مک اکی وئقه‌لرک یاردیمیلله دیکر عامللره انتقال ایتک لازمدیر .

فرضا ، کیکلی بابا حقتده شقایق نعمانیه چوق حسن شهادت ایدیور : « غزله نسبتله مشهور ، عارف بالله شیخدر . کیکه پیندره‌ک دولاشیردی : حوی بلده‌سندە دوغمش ، صوگرا دیار رومه سفر ایدرک بروسه فتحنده حاضر بولونمشدر . سلطان اورخان طرفندن قبری اوزرینه برقه بنا اولونمش ، مرقدی زیارتگاهدر . الخ »

اوقاف قیوداتندن ، سلطان اپوکی وقفه عائد جزؤک برکنارنده ، اورخان غازینک کیکلی بابایه وقف ایتیش اولدینی املاکله برابر هدیهلریده ذکر ایدلمشدر :

بونلر ایکی کوپ عرقی و ایکی کوپ شراب ایدی . ایشته سلسله‌نامه‌لرک ستر ایتدیکی بحث ایتمکدن چکیندیکی بر نقطه . « کبار اولیاءاللهدن » تلقی ایدیلن برچوق (صوفی - mystique) لرده‌ده عینی ابتلائی کورمک ممکندر . مقاله‌مزک موضوعی اولان بوراق باباده بو صفحه‌نی بوتون وضوحیله عرض ایتمکدودر .

نجم‌الدین کبری خلیفه‌لرینک « دیار رومه سفری » ، شمس تبریزی واسطه‌سیله مولانای ، بابا کمال جندی و شیخ‌الوفا طریقتیلده بابا الیاس و حاجی بکتاشی میدانە کتیردیکنی ، بوراق بابانک بو طریقه منتسب بولندیغیینه سلسله‌نامه‌لر دلالتیلله اوکرنیورز دیکر جهتدن (بدرالدین محمدالعینی) نک عقودالحیاتندن نقلاً آماسیه تاریخی ، بوراق بابا حقتده شوسطرلری یازیور : « آیک بابانک مرید خاصی اولان بوراق بابا ، ۶۶۰ هـ توقادده دوغمشدر . خان ایلچیسى دیه‌مشوردر . بلندن یوقارینى چپلاق اولوب آشغیسنه قرمزى بزدن بر فوطه باغلامش ، باشنه خفیف قرمزى بر صاریق شکنده دلبند صارمش ، وایکی طرفلرینه ماندا بوینوزلری ربط ایتمشدر . أئنده غایت اوزون و بویوک بر نفیر قباقدن معمول بویوک و سیاه بر کشکول اولوب آئی کبی اوینار ، مایمون کبی سویلر . غایت مردار ایدی ، عینی حالده ، عینی قیافتده سکز اون رفیق اولوب بونلرک أئنده ، فضله اولارق (دائرة) دیدکلى قصاعی بویوک ، کنارلری زیللی برردف اولدینی حالده کیتدکلى شهرلرده ، کویلرده بر دائرة شکنده طوروب بونلری چالارلر ، بوراق بابا

اويناردی . هر نه طرفه کیتسه لر ، چو جوقلر اطرافنه قوشار ، مسخره صبيان اولان بوراق بابا حیواناتک ضداسنی تقلید ایدر . بوراق بابا حلوله معتقد ، آخرتی منکر بر ملحد ایدی . قرائض و محرماتی انکار ایدوب آساکس قرائض «حب علی» دیر ایدی . الخ . عینی نک ادعاسنه عینله اشتراك ایچون ، بوراق بابایی ایضاحاتله ، دیگر وثیقه لر مطالعاتمزی باشقه بر جهته توجیه خصوصنده بزه خدمت ایدیور :

بوراق بابا دائماً جذبه حالنده یولونان ، و زمان زمان غائبدن صدالر ایشیدوب ، الهامه مظهر اولان ، بر جوق مدتلر اعتکافه چکهرک زهد و تقوا ایچنده برهنکار بر عمر سورد کدن صوکر ، اعصابی تنیه ایدر جک یمک و مسکرات نامنه نه وارسه ، ابدال ایله قیصه برمده استعمال ایدن بر «درویش الهی» در . بابا ، بوتون صوفیلر کی وجده کلدیکی زمانلرده ایستهری اعراض کوستر ، اغزنندن کوپوکلر کلیر و بو مدت ظرفنده اکسیک ، معناسی مبهم بر جوق جهله لر ، قیریق مصراعلر صرف ایدردی . «کلمات براق بابا» ، بالاخره سکزیوز اللی اوج سنه سنده فارسی اولارق شرح ایدلمش ؛ و بعضی نادر نسخه لری شرحیله برابر محفوظ قالمشدر .

بر نسخه سی « بریتش موزه نوم » ده موجود اولان و مجموعی اون صحیفه یه انحصار ایدن بو شرحک دیگر بر نسخه سی ده اون قاپانی بخاریه درگاهنده شیخ علی اقدینک کتبخانه سنده کورمشدم . بر جوق مجموعه و رساله لر دن عبارت اولان کتابک اورتالرنده « شرح کلمات شیخ براق » سر لوحه سیله موضوع بحث اثر باشلامقده در . شارح ، فارسی بر مقدمه دن صوکر امتک ایضاحه کیریشور .

تاریخی ولسانی قیمته بناء ، متنی چیقارارق بورایه عیناً نقل ایدیورم :
« شیخ می فرماید قدس الله روحه که بسم الله دم هر دم بدم دم دم بودم یفعل مایشاء و مایحکم مایرد . الو تنکریدین فرماندین وه فرماندین . تنکیزیل لار سوت کول لار ، بال ایرماق لار . خانلار وزیر لار ، بیگ لار قاضی لار دانشمندلار مشایخ لار اخی لار الو لار هنر یز لار . ییتی تنکیز ییتی اورتاسنده کی بر آیدین کوهر . اول آیدین کوهر یراسنده یتمش بیکر طاغ . اول طاغده ارسلان لار قبلان لار ایمارلر کییک لار بورلار ایولار چغاق لار . هیهات هیهات ساتوق انا مسکین براق . ایران لار ابورینر یورار کان توش کورورز توشو هنر نی نیا یورارز خیرا یورارز قبا قبا عرفه لار الوالو بیرام لار الام اولام لونبای لونب . بسم الله باراز بازار دین بازار . باراز اوزار . دانشمندلار نی بازار یوم بازار یوم وار

يولا دوزار يوم وار يولندن ازار . تونكي بازار ني بازار بوكونكي بازار . بوسبقني
 اوقيان يولندن يتا ازار . قدرت چوكاني بينين اوزار . تنكري ايرن آندن نيزار . بسم الله
 آيدن بجا . التون آشيك كوش قابو . وزرده برنج قورقو مشاق ودانه دلبد . يقات
 يرتوشاك يقات كوك بورك تنكيزلار باده . كوه قاف تنكيه چوق اول باده دين ايجدوك
 مست اولدوق حيران اولدوق چوق مست شدي حيران شدي صباح شده است . سالتيب
 كالديك سكر دونك بستان ايوغنا سلام وير مادونك پس بيلماموش سفرى اتوكاتيكان باتالو
 قرداش سكر بوستانه كير بوستان ايوغنا سلام وير اتور تينجاني چالو اوتايق قلتوق لالك تشر
 اچيق . بسم الله اوروم اوردم دين ساور دوم مدعي داوردم . سالتيب كلدونك سكر دونك بوستانه
 كيردونك . قزيب كلدوم بولمادوم . بوت ترم اونكدوم ني الوب اونكدوم اسباهي ايكان
 بيك اولدوم گوندا برقاز يدوم سلطان خيانت ايله مادوم . دينكا قوان اورايسكز اووات
 استنبول چاريارات محمد اصلوات قارشو قارشو چارداق لار قارساقارسا اويون لار . توقوز
 او كوز برسقوم . بردين كوكا بير اكسارموتوموز بيق اكسار رهي مدزهي اكسار . هر كه
 بوسبقني آنكلادي اونكلادي . اين معنا باشد . كه آنكلامادي نانكلادي چون نانكلادي
 قاول ساول اولدي چون قاول ساول الدي آورت طاوول الدي چون آورت داول الدي .

نشرت نشتر كوك اولدي .

قدتم هذا الرسالة الشريفة المسمى بشيخ براق سنه ثلاث وخمس وعاشرة لمقام اماسيه .
 اترك خاتم سندن آماسيه ده بابا الياس مقامنده شرح ايدلمش اولديني آ كلاشيلور . وبوراق ،
 ياخود توركي . تعبيريله براق بابا ۷۰۶ سنه سنده حلبده اهالينك تضيقنه دوچار اولارق
 اولدورولمشدر .

براق

(باراق) ، اسكي توركنلرك شامانلريني . كوكه اولاشديرمغه مخصوص مخيل قاناتلي
 برابر كيرك اسمي ايدى . توركنلره كوره تانكري (كوك) ايدى . ازلى ، ذى حيات
 وذى شعور بر موجود ايدى . اونلره نظراً كوك اولجه ارض ايله متلاصق اولوب بالآ خره
 يكديكرندن آيرلمشدي . بو آيريليشدن اتش ظهوره كلدى . توركلر بوتون موجوداتك
 مبدأى وحياتك منبى اولمق اوزره بوسيا ايله ارضك آريلارق تكرار ازدواجى حادثه سني
 قبول ايديورلر .

ارض ايله سمانك افتراق ، و تكرار برلشه بيلمك ايجون جهدي صورتنده كي افلاطونك
 « تخطر » نظر به سياه هه غلك مدعا و تقيض مدعاك تركيبي حقنده كي تلقى سنده ، صوك

زمانلرده انتشاره باشلايان يکي رومانتيکاردن قروچه وبالدينيك قناعتلرنده ، حاصلي اسکندرانيه مکتبته قدر بوتون متصوفلرک تمايللرنده ، تورک قوزموغونيسييه بر اشتراک مشاهده اتمه مک قابل دکلدر .

اونلر سنایي مذکر ارضی مؤنث عد ايدرلردی . برنجيسنه (آنا) ، ايکنجيسنه (آنا) ديرلردی [۱] . بالا حره ايراندن کلن (هرمن) تلقیسی بواعقادی تشويش ويکی بر شکل عرض ايتدی . موغوللر شامانيزمه (خاراشاجين) ، یعنی « قارا دين » ، بودديزمه ايله ماتيلک (شیراشاجين) ، یعنی « يشیل دين » ديور ، ويشیل دينه مدنيت ، رفاه کتيرن بر عامل نظريه باقيورلر . تورکمن اويغور ، قيرغيز اعتقادانده حالاشامانيلکک دوام ايدن ايزلريني تدقيق ايدميليورز . ژاپونلرک اسکی دینی اولان « شيتوئيزم » يروکوکی تمثيل ايدن (ايزانا کی) و (ايزانامي) نک ازدواجندن گونش الههسی اولان (تهن شودايچين) ک دوغديغه قانعدر . موغ (شیراتوری) نک تدقیقاتی نتیجه سنده (تانرودايچين) ک برچوق مهاجرلره برابر ژاپونيه ايلک کلش اولان شامان اولديني آ کلاشیلدی [۲] . « تانزو » نک (هیونگ - نو) حکمدارلرينه ويريلن عنوان اولديني ، حکمدارلرک عینی زمانده دینی رئيسی بولنديني ايسه معلومدر .

تورکمن شامانلری ايکنجی خوارزم مهاجرتی زمانده بويوک برکثافله آنادولويه کلديلر . برکه خان ، کسلوسنگم ، کي رئيسلرک معيتمده کلن يکی عشيرتلر (بوزاوق) حواليسنده يرلشديلر . شامانلر مملکتک اسکی مناسرتلری ، بيزانسيلر زمانده مقدس صاييلان موقعلرده يرلشهرک دینی آينلری اجرايه باشلاديلر . (صوليجه قره هويوک) بونلردن بريدر . ديگر جهتمدن عنعوی طريقتلرک جنکيز استيلاسندن قاجارق آنادولويه صيغمنسی عینی زمانده واقع اولويوردی . بوزمان اشتراکی ، کيتدکجه ايکی دینی عقیده ومذهبک اتحادينه منجر اولدی . حاجي بکتاش ، برطرفدن حواجه احمد يسوی نک « مقالات اربعين » ني نمونه اتخاذايدرک يکی بر « مقالات اربعين » تأليف ايدرکن ، ديگر طرفدن شامانلرک صوکتبخانهسی ، واسکی تورکمن آتالرينک ممثلي اولمق اوزره ايکی عقیده نک اتحاد ايتديکی نقطهيه تصادف ايديور . بوراق باباده ، آيلک ، اسحاق وسائر بابالره برابر بوزمرهيه داخلدر . بابالر ، تورکمن عشيرتلرينک شامانلری وسحر بازلريني

[۱] « کازاروف - موغوللرده سياه دين » دن قلا احمد کردی بکک دارالفنون تهزندن .

A. de préreille - Le chamânisme au gapon. [۲]

تشکیل ایدیورلردی . هوبه‌ره کوره ، سحری قدرت نادراً موروث در ، چوق زمان « مناسک » له اشتغال ایدنلردن برینک قازاندیغی براعتیاددر . مستقبل سحر باز ، برآورمانه چکیلیر . اوزون مدت اوراده منزوی برحیات کچیرر . دائماً وجدانلرینک تولید ایتدیگی عصبی اهترازلری تمیدایدیر . [۱] جهیمس بونلری بتون صوفیلرله برابر دینی شخصلرنده قوتله تمثیل ایدن نه‌وروپاتلر اولارق توصیف ایدیور [۲] . هر حالده اجتماعی حیاتک دار وثابت صورتندن خارجه چیقارق احتراصلرک انکشافه مساعدده ایدن ایلک نوزه اولارق بوسحر بازلری قبول ایده‌بیلیر . بوراق باباده آنادولونک همان دورت کوشه‌سنی کزه‌رک ، زمان زمان ایران عرب طریقتلرینک تأثیرله حولیله ، مشبه و شیعه غالیله ، یاخود اثناء عشریه نظریاتنه عینی درجه‌ده مسامحه کارقلله روی موافقت کوسترن ، فقط حقیقتده ، رواجده اولان محدود تعبیرلری ازرله‌مش ، برتورکمن شامانندن باشقه برشی دکلدیر . بوراق بابانک اثرینی تحلیل ، لسانی و ادبی بر مسئله اولدییی ایچون بزم وظیفه من دکلدیر . یالکز خصوصی حیاتنه نفوذ ایدرک ، کندیسنده « نه‌وروپائی » اعراضنک نه‌صورتله انکشاف ایتدیگنی ، اجتراصلرینک ناصیل قارشیلاندیغنی ایضاح ایدیورر .

بوراق بابا ، توقاد جوارنده « چات » ناحیه‌سنده (بابا الیاس) ک ارشادینه مظهر اولمش ، بالآخره بتون آنادولوی کزه‌رک تبریزده (اولجایتو محمد خدابنده خان) ه عرض خلوص ایتمشدی . بوجهت موغوللرک آدلوده کی نفوذلرینی تأمین ایده‌بیلیمک ایچون بابادن استفاده ایتدکلری ظنی اوایندیرینیور . اوصیرالرده اسماعیلی و باغفی عقائدینک انتشاری ده کندیسنک بو عقیده‌لره منسوب برروپاغانداچی اولماسی احتمالی اورتایه قویویوره واقعا بابا ، عراق و شامه قدر برقاج دفعه سیاحت ایتمش ، برچوق مذهبلر و طریقتلرله تماسده بولونمشدر . فقط عینی‌نک روایتلرینه نظراً تورکجه دن باشقه هیچ برلسانه واقف دکلدی . ساخته بر درویش اولمقدن زیاده ، دینی ارکان و عقائدن بی خبرعیاش و مجذوبیدی . برچوق زمانلر معتکف یاشار ؛ اعضایی تحریک ایده‌جک مسکرات استعمال ایدر . از اوپوردی کندیسنده « مشهود اولان خوارق » ی بوحرکتلرینه می‌دیوندی . عینی خواص و اوصافه مالک اولان برعائله دن کلیوردی . نه‌وروپائی ، ارثی برحال آلارق ، خوارزمندن کلن یوزاوق تورکمنلردن بوراق بابایه انتقال ایتمشدی . داها کوچوکلکنده مرکزی برجه

Hulert et Gnauss ; Cuelanges d. l'histoire des religions. [۱]

Wilian Ganes : L'Expeiaieun religieuses [۲]

عصیه صاحبی اولان بابا ، بالاخره « افسوس » ، « جات » و « صولجیه قره هویوک »
 سحری مرکز لرینک تعلیمیلله انکشاف ایدرک ، بر تورکمن سحر بازی اولمشدر .

- ۲ -

« کبکی بابا »

« عنقای مشرق » کبی طریقت رساله لرینه اینامقی لازم کلمه سیه ، عثمانلی دولتنک بانیلری
 آراسنده بکتاشی درویشلرینی ، بابالری ذکر ایتمک قابلدیر . « افلاکی دده » تذکره سی
 بابا مرندی اسمنده بر آذری تورکنک سلطان علاء الدینی نفوذ مغویسی آلتنه آلارق دولته
 حاکم اولدیغندن بحث ایدیور . تذکره نک ۷۱۸ سنه سنده یازیلش اولسی ، روایتک پک ده
 افسانه عد ایدلمه سی ایچون کافی رسبب اولسه کر کدر . « اق شمس الدین » ولایتنامه سنه
 نظر آ ، « صولجیه قره هریوکده توطن ایتمشکن بالاخره قیرشهره کیده رک ، شهرک حاکمی
 نورالدین بکه « همت نظر ایلش » ، بوتون او منطقه یی دائرة نفوذینه آلمشدی . افلاکی
 تذکره سنک ده تأیید ایتدیکی بر وقعه ده کی شخصک سلجوقیلرک صوک زمانده معارضه
 ایدن جاجا اوغلی نورالدین بک اولدیغی کرک آقسرائی تذکره سی ، کرکسته مومی الهه
 طائد وفقیه [۱] دن آ کلاشیلیمقده در . حاصلی بوتون بومطالع لیده ، وبالخاصه یکچیری
 (کلپانک) بک قدمندن بویه برمناسبتی وهله انکار ایتمک قابل اولمادیغی کورولور .
 اساساً ، اوجاغنک تشکلی مسئله سنده « مطلقاً حاجی بکتاش » ک اووقته قدر بر حیات
 اولدیغی قبوله مجبوریت یوقدر . دیگر جهتدن ، مورخ اولمقدن زیاده منشی اولان « ابن
 کمال » ک تاریخنده ، بو وقعه یه دائر بر قیده تصادف ایدیله مه سی ده شایان استناد بر دلیل
 اولاماز [۲] . زیرا احمد شمس الدین افندینک اثرنده اهامال وخذف ایتدیکی یالکنز
 بو نقطه دکدر .

« ابن کمال »

« شکاری » نک قرامان تاریخی ، بزه بر دولتک تشکله کلمده ده بابالرک درجه ده دخل
 وتأثیر اولدیغی آ کلاتیر [۳] قارامان بکک باباسی « نورالدین طغرق » بک ، بالذات

- [۱] جاجا اوغلی وفقیه سی . — مکرمین بکک سلجوق وثائق قاتالوغندن « غیر مطبوع ..
 [۲] ابن کمال تاریخی — ایکنجی جلد (امیری کتبخاسی) . — مرحوم طارف بک بو اثره
 استناد ایدرک یوقارده کی ادعا ایله ادبیات فاکولته سی مجموعه سی (صافی ۳) ده سویلیور .
 [۳] شکاری : قرامان تاریخی . — دارالفنون کتبخانه سفدن مستنسخ نسخه در .

جات ناحیه‌سندن بابا الیاسه منتسب اولدیغی کی ، قرمان و محمد بک کرده لارنده عینی طریقدن آریلان « شیخ عارض » ک مریدو درویش ایدی لر .
 بوتون بو ادعالرده کی مشترک نقطه‌یی ، سطحی برحکمله ، طریقتلرک بالاخره کندی لهلرینه اویلدوردقلری حکایه‌لره عطف ایتک دوغرو اولماز . بو اثرلرک ایجریسینده دینی و سحری حیاته علاقه‌سی اولمايان تاریخ ووقیفه کی وثیقه‌لرده تصادف ایدیلور . ذاتاً ، اسکی دولتلرک تشککنده « سحر باز » ک خصوصی برموقعی اولدیغی کورمه مشمی ایدک ؟ تیموجین ، کویچه‌یه استناد ایدرک یوکسلدی . مقدس جرمن امپراطورلغنده پاپالر بو وظیفه‌یی ایفا ایدیور .

« موره قرداوی » طویراغه مربوط فردی قوتله ، بالنتیجه سلطنتلرک تأسسینده سحر بازک موقعی ایضاح ایتدیلر [۱] عثمان غازی‌نک اطرافنده « نعمت الله اخی اوران قره حاجی بکتاشدن » دن کلن کشف براخی و درویش کتله‌سی واردی . بوتورکمن رئیس برچوق زمانلر ، بوی بکلرندن فضله طریقت اربابنه ، عشیری تشکیلاتدن زیاده سحری حیاته تابع اولمشدر . « آده‌بالی » دائر موجود روایت و حکایه‌لر بوجهتی مؤیددر . مراد بابا اوغلی برامیچ شیمی ، الیاس فیه الخ . . عثمان غازی‌نک ، اخی طورور ، محمد شیخ الخ کی برچوق درویشلرده اورخان غازی‌نک پرورده‌سی ایدی لر [۲] آده‌بالیدن صوگرا ، طورسون فیه ، مخلص بابا ، عاشق پاشا کی درویشلر ، نهایت بوتون افرادی اخیلرذن ترکیب ایدن چندارلی عالیه‌سی آنادولو سینورنده تأسس ایدن کوچوک تورکمن دولتک بانیلرندن صایلیر . بوتائیرک دینی اولدیغی سویله مک افراط اولدیغی کی ، منحصرأ سیاسی اولدیغندن بحث ایتکده مبالغه‌در .

سلاجوق سلطنتک پارچالانسی ویکي بوز اوق تورکمن مهاجرتک آنادولویه حاکم اولسی مملکتک حیاتنده بویوک تحوّللر یاممشدی : اولاً - اسلامیه هنوز انطباق ایدمه‌دن شامانلری و سحر بازلریله برابر کلن عشیرتلر ، آنادولوده دینی برتحول حصوله کتیردی . بناءً علیه اثناعشرنه و شیعه عقائیدینه بورونه‌رک یرلشن « سحری دین » یکی دولتلرک شعارینی تشکیل ایدیوردی . ثانیاً - اهل صلیلرک و متحد اداره‌نک تولید ایتدیکی مرکزی زهدی اداره پارچالانارک برینه عشیرتلرک سحری حیاته اتما دندن یکی یکی شیلر میدانه چیقدی شو حالده ، مملکتک

[۱] (بشریت کتبخانه‌سی) Mores es Lary. Les elans aux Heupires

[۲] جزؤ اوقاف سلطان ایوکی « قیود دفتر اوقاف . — تاریخ انجمنی ، جواد کتبخانه‌سینده .

سياسی حیاته دن دولایي دینی و سحری قوتلرک مداخله ایتدیکی قولایلقله آ کلاسیلیر. بومسئله سیاسی رئیسک سحر بازی خلق اوزرنده کی نفوذندن استفاده ایتمی صورتنده واقع اولدینی کی، بالمقابل سحر بازکده دوعرودن دوعرویه سیاسی رئیسلر اوزرنده کی روحی تأثیرلرندن ایلری کلیوردی. ایشته کیکلی بابا، دینی روحيات انموذجلری ایچریسنده اک زیاده بو وصفی حائر اولانلرندن بریسی در. بوراق باباده کوردیکمز عصیانکار و خلقچی روحیه مقابل، کیکلی باباده دولتی، و مدیر بر طبیعت مصادفمز اولوبور. سحر بازک احتراصی. آیین و مناسکده کی وجدک دوامی تأمین ایدن بر واسطه در. فقط بر دفعه استحصال ایدیلنجه، سحر باز الهی قوتلر و طبیعتک اسراريله دائمی صورتده حال تماسده بولونان بر موجود اولدینی ایچون، کنديسندن استفاده ایدلمکله قالماز، عینی زمانده قورقولور. بوقورقو، چوق زمان بوتون خلقی کنديسنه بند ایدهرک سیاسی رئیسلری ده همایشه مجبور قیلار.

بوگونکی انسانلرک بيله، کنديسنه ایلک ایدن دوقتوره سکوکی دن زیاده اسرارلی بر قورقو ايله مربوط اولدینی کی عشیری انسانده بویه اسرارلی بر مجهول قورقوسيله سحر بازه باغلیدر. فقط سیاسی رئیس، بر دفعه نفوذ و حاکمیتی تأمین ایدهرک اولورسه، اوزمان بوتلمکلی قوتک ازالهسنه جالیشیر. رئیسک مسندی، اکثر یا پانچی قلانلر، اوقدسته منسوب اولیان جماعتلر در. جنکیز، بوروتلر و اوراتلر استناد ایدرک کوچک بی اولدوردی.

فاتح، بوشناق و خرواتلردن مرکب اولان دهوشیرمه تشکیلات سایهسنده تحکمی تأمین ایتدی. سزار، غولوادن دونوشره سالتوایه لرلردن مرکب بر کتله کتیرمشدی. حضرت پیغمبر کعبه نك محسافطی و آذینک رئیس اولان (ابوجهل) قارشى، یثرب اهالیسنی اوس و خزر جلری قوللاندی، الخ.. سحر بازک معنوی حکومته مقابل، رئیسک مادی حکومتی بوضوئله تأسس ایدر. بونکله برابر، موضوع مزده اولدینی کی، وایکی قوتک ائتلاف ایتدیکی و آهنگدار برکل تشکیل ایتدیکی ده واقعدر: اوغوز، ارقیل آتایه استاد ایدوردی. صوک خوارزم حکمداری تکش، نجم الدین کیری نی یانندن آیرمادی. جاجا اوغلو نورالدین بك، دولته فردک مدعا ايله بعض مدعا حالنده آریلان قوتلری بر ترکیده طوپالایارق حاجی بک تاشاله برابر «قبر شهر» سرانی تأسیس ایتدی. نهایت اورخان غازى ده، بروسه نك فتحنده کنديسنه بویوک یاردیمی دوقونمش اولان کیکلی بابای

اولونجه‌یه قادار حمایه ، اوکا قارشی اولان توجهنی بر چوق و سبایه‌لرله اراشه ایتدی . دیوان هایون قیوداتنده ، بابایه عائد شوسطرلری مصادف اولوبورز :

« قطب‌العارفین شیخ کیکلو بابا خوی‌دن کلمشدر . بر اولو کیکا بنوب کلمشدر . کیکلر کندویه مسخر ایمش . کلب اینه کولده مکان دوتمش ، مرحوم سلطان اورخان پادشاه حضرتلرینک [بروسه ؟] فتحنده مرحوم اورخان پادشاه اول قیلدی فتح ایدرکن قطب‌العارفین شیخ کیکلو بابا دخی اول جانبد اوج یوز آلتمش قبولی بر کلیسا وارمش قزل کلیسا دیمکه مشهور ایمش اول کلیسائی کندولر فتح ایتمشلر . جنک ادرکن بر کستان آغاچی وارمش جنکی ادر ادرمش اول کستانیه واردقده اول کستانه یارلب بابایی مسقر ایمش . کافرلر آرار بولرملر ایمش . صباح کنه چیقوب کافرلرله جنک ادردی . ارنلرله بونوعله اتمشدر . اوزمانده حضرت اورخان پادشاه شیلده خبر ویرمشلرکه خویدن برار کالب اولو کایکا بنب قزل کلیسائی آلدی ووجواب ورمشملر وردکرنده مرحوم اورخان پادشاه بابائی خوردر دیواری یوک صرقی واک یوک شراب کندرب بابا دخی جاننده کی بابا سلطان ایله ... [نقصان] [۱]

وثیقه بوراده خراب اولمش وجهله ناقص قالمشدر . بومعلومات ، شقایق قلمایه‌نک ویردیکی ایضاحاته اولدجه توافقی ایدیور . طاش کوپرلی زاده « قبرینک یاننده بر مقبره ها کوردم ، صاحبی صوردیغ زمان کرمان بکنک اوغوللرندن برینه عائد اولدیغنی سویله‌دیله . بوذات امارتی ترک ایدرک شیخ خدمته کیرمش ایمش شیخک احبابندن بریسی ده طورغود الب اولوب عثمان غازی‌نک امراسندن ایدی . امیر مذکور شیخک خدمته مداوم ایدی ، سلطان اورخان (اینه کول) دنلن محله شیخه مکان ویرمشدی . شیخه طریقتدن ضررولدیغی زمان بن بابا الیاس مریدلرندن وشیخ ابوالوفای حواری‌نک طریقت مسودیسه‌نه منتسب دیرمش . شیخ بروسه شهرنده سرای پادشاهی قارشیسنه بر آغاچ دیکلمش ایدی ، الخ ، دیور . بوسطرلردن ، بابانک یالکزاورخان غازیله‌دکل ، کریمائی اوغوللری و دیگر عشیرت رئیس‌لریله الفتی اولدیغی آکلاشیلیور . دیوان هایونده کی وثیقه‌نک آرقه‌سنده ، کندیسنه عائد اولسی قوتله ملحوظ بری عروض ، دیکری هجایله یازلمش اولان شوایکی قطعه موجوددم :

کل کیده لم شروانه درمان آرای جانہ
درمان بولماز ایش یارندن آریلانه

ایرلز یاره بی یار اولینجه ۛ جهان که خلای اغیار اولینجه
حقیقت عالنه یول وارلز ۛ برملکدن کلی یزار اولینجه

بومصر اعلم ، بزه شیخ خراسان ارنرله قوتلی علاقه سی کوستریور . ناسوت عالمک
« یار » ندن فارغ اولادن ، لاهوتک ازلی « یار » ینه قاووشمق قابل اولامیه جفنی سویله بن
شیخ ، بورا ه آنحق « دنیا » ملکندن فراغت ایله واریللا بیلدیکنی آکلاتیور . شراب
وراقی ایله ألفتی ، حکمدار طرفندن تصدیق ، حق ترویج ایدیلن بابانک ، بو زاهدانه
توصیه سنه نه دیلی ؟ بونقطه ، بزه سحری حیانه زهد ایله ایدالک تفریق ایدیله میه جکنی ،
ونه وروپاتی نک تحصیل ایچون هر ایکسینک ده متعاقب عاملر اولدیغنی کوستریور . هان ،
هر طریقت منتسبی (شریعت ، طریقت ، معرفت ، حقیقت) دیه دورت یولدن کچمک مجبور یئنده ز.
برنجی قدمده یالکز دینک ارکان وعقائدینی تطبیق ایدن مرییه ، ایکنجی قدمده کندیسنده
اعتیاد و تکررک حصوله کتیدیکی وچدی تولید ایچون « تسبیح » ایله اشتغال ، اوچونجی
قدمده حرکت کله اعضایی تنیه ، آونی معین استقامته توجیه ایچون « برهیز و ذکر » ایله
ألفت ، نهایت دوردنجی قدمده وصوله مظهر اولان درویش بوزوق بر حله عصبیه ،
پارچالامش براراده ، وواسع بر احتراض ایله « ابدال » ایدرک وچد واستغراق حاله کلیم
ایشته اسکی سحر بازک ، ویکی نه وروپاتک تشکیلی . . کیکی بابا ، بر چوق درویشلر کی ،
چو جو قلغندن بری اعصاب بحر انلری کوسترمش ، استعدادینه بناء ارنلر طرفندن محبلر
میاننه ادخال ایدلمش بر درویشدر . اجتماعی عاملرک محصولی اولان سحر باز ، ارنأ انتقال
ایدن اوصافله برعائله تشکیل ایتدیکی کی ، یکی نه وروپات ده عینی عاملرک محصولی اولدیغنی
حاله ، ارنأ انتقال ایدرک عضوی استعدادلر وجوده کتیر .